

JU NARODNO POZORIŠTE

SARAJEVO

Broj:05-3754/26

Sarajevo, 05.06.2026. godine.

Na osnovu člana 18. stav (3) i (4) Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj: 19/21, 10/22, 28/23 i 32/24), člana 15. stav (5), (6), (7) i (8) Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj: 10/23 i 12/24), člana 20. stav (2), (3) i (4) Pravilnika o radu JU Narodno pozorište Sarajevo, (broj:05-2520/23 i broj:1970/24), te člana 40. tačka o) Pravila JU Narodno pozorište Sarajevo, broj:05-1672/23 od 14.03.2023. godine, Upravni odbor JU Narodno pozorište na sjednici održanoj dana 05.06.2026. godine, donosi sljedeću:

ODLUKU

1. Prigovor Zhuchenko Denis-a, broj: 3684/26 od 02.06.2026. godine na Odluku o prijemu u radni odnos na radno mjesto: Član ansambla I-1 izvršilac i Odluku Komisije, broj:06-3195/26 od 14.05.2026. godine, odbija se kao neosnovan.

2. Potvrđuje se u cjelosti Odluka o prijemu u radni odnos na radno mjesto: Član ansambla I-1 izvršilac, na određeno vrijeme do 3 godine, broj:05-3495/26 od 26.05.2026. godine.

Obrazloženje

Upravni odbor JU Narodno pozorište Sarajevo je na 28. redovnoj sjednici Upravnog odbora održanoj dana 05.06.2026. godine razmotrao Prigovor Zhuchenko Denisa na Odluku o prijemu u radni odnos na radno mjesto: Član ansambla I-1 izvršilac, na određeno vrijeme do 3 godine, broj:05-3495/26 od 26.05.2026. godine i Spisak kandidata među kojima se provodi izborni postupak, broj:06-3195/26 od 14.05.2026. godine.

Iz spisa predmeta nesporno proizlazi da je žalitelj uz prijavu dostavio inostranu svjedodžbu o završenom srednjem obrazovanju i njen ovjereni prijevod, ali nije dostavio dokaz o izvršenoj nostrifikaciji predmetne obrazovne isprave.

Članom 2. stav (1) Pravilnika o nostrifikaciji i ekvivalenciji inostranih svjedodžbi /obrazovnih isprava u osnovnoj i srednjoj školi („Službene novine Kantona Sarajevo“, broj 10/25) propisano je da se nostrifikacijom inostrane svjedodžbe o završenom srednjem obrazovanju priznaje ravnopravnost sa odgovarajućom svjedodžbom o završenom obrazovanju u Kantonu Sarajevo radi nastavka školovanja ili zaposlenja, dok je članom 3. istog pravilnika propisano da se inostrana svjedodžba postupkom nostrifikacije izjednačava sa odgovarajućom svjedodžbom u Kantonu Sarajevo radi zaposlenja.

Imajući u vidu navedene odredbe, Komisija nije mogla prihvatiti da strana svjedodžba proizvodi pravno dejstvo za svrhu zapošljavanja u Bosni i Hercegovini, odnosno da predstavlja valjan dokaz o ispunjavanju uslova stručne spreme propisanog javnim oglasom. Sama inostrana svjedodžba i njen ovjereni prijevod ne mogu zamijeniti akt nadležnog organa o izvršenoj nostrifikaciji, kojim se utvrđuje njena ravnopravnost sa odgovarajućom domaćom obrazovnom ispravom.

Suprotno navodima žalbe, Komisija nije uvođila dodatne uslove javnog oglasa, već je bila dužna utvrditi da li kandidat raspolaže pravno valjanim dokazom o ispunjavanju propisanog uslova stručne spreme. Kako žalitelj nije dostavio dokaz o nostrifikaciji inostrane svjedodžbe, Komisija nije mogla sa potrebnim stepenom izvjesnosti utvrditi da ispunjava uslove javnog oglasa, te je pravilno ocijenila da kandidat nije dokazao ispunjavanje propisanih uslova za učešće u daljem toku oglasne procedure.

Slijedom navedenog, Upravni odbor nalazi da je Komisija pravilno i zakonito postupila, zbog čega se žalba odbija kao neosnovana.

Na osnovu svega navedenog odlučeno je kao u dispozitivu Odluke.

PRAVNA POUKA: Odluka Upravnog odbora JU Narodno pozorište Sarajevo je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana od dana dostavljanja ove Odluke.

Dostaviti:

- Zhuchenko Denis,
- Upravni odbor,
- Web stranica Pozorišta,
- a/a.

